



TASDIQLAYMAN

**Sirdaryo viloyati statistika
boshqarmasi boshlig'i B.6**

U.S.Elmuratov

2025-yil "15" *may*

Aholi turmush darajasi va ijtimoiy soha statistikasi bo'limi to'g'risida NIZOM

1-bob. Umumiy qoidalar

1. Mazkur Nizom Sirdaryo viloyati statistika boshqarmasi (keyingi o'rinlarda – Boshqarma) Aholi turmush darajasi va ijtimoiy soha statistikasi bo'limining (keyingi o'rinlarda -bo'lim) maqomi, asosiy vazifalari va funksiyalari, huquq va majburiyatlari, shuningdek, uning faoliyatini tashkil etish tartibini belgilaydi.

2. Bo'lim O'zbekiston Respublikasi Milliy statistika qo'mitasining 2025-yil 5-martdagi 64-K-son buyrug'i va Sirdaryo viloyati statistika boshqarmasining 2025-yil 14-martdagi 15 ich-son buyrug'iga muvofiq tashkil etilgan va viloyat statistika boshqarmasining tarkibiy bo'linmasi hisoblanadi.

3. Bo'lim o'z faoliyatida O'zbekiston Respublikasi Konstitutsiyasiga, O'zbekiston Respublikasining "Rasmiy statistika to'g'risida"gi Qonuniga va boshqa qonunlarga, Oliy Majlisning normativ qarorlariga, O'zbekiston Respublikasi Prezidenti farmonlari va qarorlariga, Vazirlar Mahkamasi qarorlariga, Milliy statistika qo'mitasining buyruqlari, qarorlari, topshiriqlari va ko'rsatmalariga, Sirdaryo viloyati statistika boshqarmasi to'g'risidagi nizomga, mazkur nizomga, shuningdek, boshqa qonunchilik hujjatlarga amal qiladi.

4. Bo'lim aholi turmush darajasi va ijtimoiy soha statistikasi masalalari bo'yicha faoliyatini boshqarmaning tarkibiy bo'linmalari hamda mahalla fuqarolar yig'inlari bilan o'zaro hamkorlikda amalga oshiradi.

5. Bo'lim o'z faoliyatini boshqarma boshlig'i rahbarligida amalga oshiradi.

6. Bo'lim o'z vakolatiga kiruvchi masalalar bo'yicha boshqarma boshlig'i o'rinbosariga bo'ysunadi.

2-bob. Bo'limning vazifalari va funksiyalari

7. Quyidagilar bo'limning asosiy vazifalari hisoblanadi:

a) Aholi turmush darajasi va ijtimoiy soha statistikasi bo'limiga oid tadqiqot ishlarini, shu jumladan xalqaro tashkilotlar tomonidan mamlakatlar reyting baholarini tuzish uchun foydalaniladigan axborot manbalarini o'rganish, ular asosida shakllantiriladigan va tarqatiladigan statistik ko'rsatkichlar tarkibini yaxshilash bo'yicha takliflar berish;

b) aholi turmush darajasi va ijtimoiy soha statistikasi bo'limi qismi bo'yicha statistika ishlari dasturini ishlab chiqarish dasturida belgilangan vazifalarni o'z vaqtida va sifatli bajarilishini ta'minlash;

v) aholi turmush darajasi va ijtimoiy soha statistikasi bo'limi bo'yicha so'rovlarni va boshqa kuzatuvlarni tashkil etish va o'tkazishni ta'minlash;

d) aholi turmush darajasi va ijtimoiy soha statistikasi bo'limi kuzatuvlari bo'yicha Sirdaryo viloyatidagi eng muhim ijtimoiy hodisa va jarayonlarning dastlabki statistik tahlillarini olib borish;

e) ishonchli statistika ma'lumotlarini taqdim etishda uy xo'jaliklari respondentlariga har tomonlama ko'maklashish, statistik ma'lumotlarni taqdim etish sohasida huquqiy madaniyatni oshirishda ishtirok etish, statistik nazoratni amalga oshirishning zamonaviy usullarini joriy etish;

f) aholi turmush darajasi va ijtimoiy soha statistikasi bo'limi bo'yicha olingan statistika ma'lumotlarining maxfiyligi, davlat sirlariga ega bo'lgan statistika ma'lumotlarining himoya qilinishini ta'minlash;

g) aholi turmush darajasi va ijtimoiy soha statistikasi bo'limi milliy statistika qo'mitasining ma'lumotlari asosida ommaviy axborot vositalarida diagrammalar va grafiklarni keng namoyish qilish, statistik nashrlarga ko'rsatkichlarni vizuallashtirishning ilg'or usullarini joriy etish yo'li bilan alohida statistik ko'rsatkichlar to'g'risida aholini xabardor qilish bo'yicha choralarni ko'rish;

h) statistika ishlari dasturiga muvofiq sog'liqni saqlash, ta'lim, madaniyat, ijtimoiy muhofaza, turizm, fan va ilmiy-texnikaviy salohiyat statistikasiga oid ma'lumotlarni yig'ish, qayta ishlash, saqlash va nashr qilish;

i) ta'lim, sog'liqni saqlash, madaniyat, ijtimoiy muhofaza, turizm, fan va ilmiy-texnikaviy salohiyat statistikasi bo'yicha statistik ko'rsatkichlarning ishonchliligi, xolisligi, kompleksliligi va tizimliligini ta'minlash;

k) ijtimoiy soha statistikasiga oid ma'lumotlarni elektron shaklda yig'ish, qayta ishlash, jamlash, saqlash va taqdim etishning yagona texnologik tizimini muntazam takomillashtirib borish;

l) jamlanma hisobotlar asosida olingan ma'lumotlarni birlamchi statistik tahlil qilish ishlarini amalga oshirish.

8. Bo'lim o'z zimmasiga yuklangan vazifalarni bajarish uchun quyidagi funksiyalarni amalga oshiradi:

Statistika ishlarini ishlab chiqarish dasturida Aholi turmush darajasi va ijtimoiy soha statistikasi bo'yicha belgilangan ishlarning to'liq va muddatlarida bajarilishini ta'minlaydi;

Bo'limga taalluqli bo'lgan jismoniy va yuridik shaxslarning murojaatlari, shu jumladan elektron shakldagi murojaatlarning tegishli qismini ko'rib chiqadi va ulardagi masalalarni hal qilish bo'yicha takliflar tayyorlaydi;

Aholi turmush darajasi va ijtimoiy soha statistikasi bo'limi kuzatuvlar sohasidagi ijtimoiy-iqtisodiy hodisalar, jarayonlar va ularning natijalari to'g'risidagi statistika axborotlarini yig'adi, qayta ishlaydi, to'playdi, saqlaydi, umumlashtiradi, tahlil qiladi va e'lon qiladi;

o'tkazilgan tanlanma kuzatuvlar natijalarining tezkorligi, ishonchliligi va xolisligini, statistik axborotlarning qulayligi, ochiq-oydinligi va oshkoraligini kengaytirish bo'yicha chora-tadbirlar amalga oshirilishini ta'minlaydi;

Ijtimoiy statistika bo'yicha statistik ma'lumotlarning sifatini yaxshilash, ma'lumotlarni to'plash, qayta ishlash va umumlashtirishni takomillashtirish ishlarini olib boradi;

Statistika qo'mitasininig aholi turmush darajasi va ijtimoiy soha statistikasi boshqarmasi bilan hamkorlikda ijtimoiy soha holatini tavsiflovchi belgilangan ko'rsatkichlar ro'yxatiga asosan ma'ruzalar va statistik to'plamlar uchun, xalqaro tashkilotlar uchun, shuningdek, milliy statistika qo'mitasi rahbariyati topshirig'i bo'yicha turli ma'lumotlarni tayyorlaydi;

aholi turmush darajasi va ijtimoiy soha statistikasi boshqarmasi bilan hamkorlikda туман (шаҳар) statistika bo'limlari tomonidan taqdim etiladigan ma'lumotlarning haqqoniyligini tekshiradi;

Statistik ma'lumotlarni tayyorlash, saqlash va tarqatishda zamonaviy axborot texnologiyalarini joriy etadi va ulardan foydalanadi.

Bo'lim belgilangan tartibda o'ziga yuklatilgan boshqa funksiyalarni ham amalga oshiradi.

3-bob. Bo'limning huquqlari va majburiyatlari

9. Bo'lim o'ziga yuklangan vazifalar va funksiyalarni bajarish uchun quyidagi huquqlarga ega:

Aholi turmush darajasi va ijtimoiy soha statistikasi bo'yicha davlat va xo'jalik boshqaruvi organlaridan, fuqarolarning o'zini o'zi boshqarish organlaridan, banklardan, boshqa yuridik shaxslardan (zarur hollarda – ularning vakolatxonalari va filiallaridan) belgilangan tartibda davlat statistika hisobotini olish hamda undan statistika maqsadlarida foydalanish;

boshqarmaning tarmoq bo'limlaridan o'ziga yuklangan vazifalar va funksiyalarni bajarish uchun zarur materiallar va ma'lumotlarni belgilangan tartibda so'rash va olish;

boshqarma rahbariyatiga aholi turmush darajasi va ijtimoiy soha statistikasi bo'limi samaradorligini oshirish yuzasidan takliflar kiritish;

rasmiy statistika sohasida me'yoriy-huquqiy bazani rivojlantirish va takomillashtirishda, statistik kuzatuvlar metodologiyasi va metodikasini ishlab chiqishda takliflar berish;

statistika dasturiga asosan statistika ishlarini o'z muddatlarida bajarilishini ta'minlash;

Bo'limning vakolatiga kiradigan masalalar bo'yicha boshqarmaning bo'limlari bilan yo'riqnoma berish bo'yicha yig'ilishlar o'tkazish;

Aholi turmush darajasi va ijtimoiy soha statistikasi bo'limi kuzatuvlari bo'yicha kuzatuv shakllarining to'liqligini ta'minlash, yig'ish bo'yicha chora-tadbirlar ishlab chiqish;

Bo'lim faoliyatiga tegishli masalalar bo'yicha konferensiyalar, seminarlar va yig'ilishlarda ishtirok etish.

10. Bo'lim quyidagilar uchun majbur:

o'ziga yuklatilgan vazifalarning lozim darajada va samarali bajarish;

vakolatiga kiruvchi tahliliy va boshqa materiallarni yuqori darajada tayyorlash;

Bo'lim xodimlari tomonidan me'yoriy-huquqiy hujjatlarga muvofiq ijro intizomini ta'minlash.

4-bob. Bo'limning tarkibi

11. Bo'lim tarkibiga bo'lim boshlig'i, bo'lim boshlig'i o'rinbosari va mutaxassislar kiradi.

12. Bo'lim ishiga bo'lim boshlig'i rahbarlik qiladi.

13. Bo'lim boshlig'i, bo'lim boshlig'i o'rinbosari, va mutaxassislar boshqarma boshlig'i tomonidan lavozimga tayinlanadi va lavozimdan ozod qilinadi.

5-bob. Bo'lim faoliyatini tashkil etish

14. Bo'lim faoliyati O'zbekiston Respublikasining "Rasmiy statistikasi to'g'risida"gi qonuni, Respublika statistika kengashi tomonidan tasdiqlanadigan bir yillik statistika dasturi, Milliy statistika qo'mitasi tomonidan tasdiqlanadigan Statistika ishlarini ishlab chiqarish dasturi, Sirdaryo viloyati statistika boshqarmasi to'g'risidagi Nizom, mazkur Nizom, Milliy statistika qo'mitasining buyruqlari va topshiriqlariga muvofiq, shuningdek, Milliy statistika qo'mitasi ish rejalari, boshqarmaning ish rejalari, bo'limning ish rejasi va bo'lim xodimlarining funksional vazifalari asosida tashkil etiladi.

Bo'limning ish rejasi boshqarma boshlig'i tomonidan tasdiqlanadigan boshqarmaning ish rejalari asosida shakllantiriladi.

Xodimlarning funksional vazifalari bo'lim boshlig'i tomonidan bo'limga yuklangan vazifalardan kelib chiqqan holda tayyorlanadi va boshqarma boshlig'i tomonidan tasdiqlanadi.

Махкамов К.Н.

Ҳасанова З.Т.

Сулaimонов А.

Абдулхамидов И.О

Эсанов И.

Иброҳимов Р.

Бўлим бошлиги

Бошлик ўринбосари

Бўлим мутахассиси

Бўлим мутахассиси

Бўлим мутахассиси

Бўлим мутахассиси

А.Т.О.

З.Т.

А.

И.О.

И.

Р.